

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1101/13
Sarajevo, 29.10.2013. godine

Z A P I S N I K

18. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 24.10.2013. godine i 14.11.2013. godine

Sjednica je počela u 11.29.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Predsjedavajući je pozdravio predstavnike Vlade Federacije, predsjednika Federacije Živka Budimira i potpredsjednika Federacije Svetozara Pudarića.

Na osnovu evidencije Stručne službe, predsjedavajući je konstatovao da sjednici prisustvuje 51 delegat, što čini većinu, te Dom naroda može raditi i punovažno odlučivati.

Nakon toga, predsjedavajući je stavio na glasanje Zapisnik 17. sjednice Doma naroda i konstatovao da je Dom naroda Parlamenta Federacije Bosne i Hercegovine, bez primjedbi (36 glasova za), usvojio Zapisnik 17. sjednice Doma naroda, održane 12. i 26.09.2013. godine.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Drago Puzigaća je izrazio nezadovoljstvo što je na sva postavljena delegatska pitanja do sada dobio samo dva odgovora, te je ponovio sva pitanja na koja nije dobio odgovor.

Sretko Radišić je upitio inicijativu sekretaru Doma naroda da se na web stranici Doma naroda napravi pregled delegatskih pitanja i inicijativa i dobijenih odgovora.

Elvira Abdić-Jelenović je postavila dva delegatska pitanja. Prvo pitanje postavila je Federalnom ministarstvu poljoprivrede, vodoprivrede i šumarstva i glasi - da li u registru ugovora o koncesijama postoji ugovor potpisan sa Bihaćkom pivovarom, koliko je ugovoreni iznos naknade i o kojoj dozvoljenoj količini se radi i koliko sredstava je ona uplatila po tom osnovu?

Drugo pitanje postavila je Kolegiju Doma naroda a glasi - šta je to klub parlamentarki, ko ga je formirao i šta mu je svrha, kako se finansira rad tog kluba i primaju li članice kluba naknadu za taj rad te na osnovu čije odluke i sa kojeg koda se isplaćuje?

Slaviša Mihajlović je postavio pitanje Federalnom ministarstvu obrazovanja i nauke - u koliko je škola u Federaciji uvedena grupa nacionalnih predmeta za srpske učenike i koje su to škole.

Damir Čardžić je ponovio svoju inicijativu vezanu uz intoniranje državne himne prije početka svake sjednice Doma naroda.

Mira Jurić je postavila pitanje Vladi Federacije koje se odnosi na Odluku Vlade Federacije Bosne i Hercegovine sa 56. sjednice od 17.07.2012. godine a kojom su utvrđeni koeficijenti za penzije ostvarene pod povoljnim uvjetima koje se finansiraju iz budžeta Federacije Bosne i Hercegovine. Pitanje - da li je navedena odluka još na snazi i ako jeste na koju kategoriju branitelja se primjenjuje i zašto, da li je Vlada Federacije donijela drugu odluku o ovoj problematici i zašto, ukoliko je navedena odluka stavljena van snage zašto to nije dostavljeno Federalnom zavodu za penzijsko i invalidsko osiguranje?

Josip Perić je ponovio pitanja na koja do sada nije dobio odgovor i postavio nekoliko pitanja Vladi Federacije. Prvo pitanje - da li će Vlada Federacije zauzeti stav o javnim osobama, ministrima, direktorima javnih preduzeća koji se nedolično ponašaju te zatražio od premijera Federacije Nermina Nikšića da se izjasni o ovome. Drugo pitanje se odnosi na funkcioniranje Razvojne banke Federacije i način na koji ta banka dijeli kredite. Treće pitanje - šta se radi u Direkciji autocesta Federacije i šta je s ugovorom za izgradnju autocesta koji je dobila turska firma?

Karolina Pavlović je postavila pitanje Vladi Zeničko-dobojskog kantona - da li mini hidroelektrana Čajdraš u Općini Zenica, koja je priključena na regionalni vodovod Kruščica ima sve potrebne dozvole. Zamolila je da joj se dostave na uvid: prethodna vodna saglasnost, vodna saglasnost, okolišna saglasnost, energetska dozvola, saglasnost za zaštitu prirodne baštine, urbanistička saglasnost, vodna dozvola, odobrenje za građenje i upotrebna dozvola.

Vesna Nemeć-Klisura je zatražila da joj Vlada Federacije i resorna ministarstva u Vladi Federacije dostave pregled izdvojenih novčanih sredstava po svim osnovama iz budžeta Federacije razvrstana po kantonima, svrhama, iznosima u protekle tri godine. Upitala je Vladu Federacije kakav je raspored zaposlenih u federalnoj administraciji po kantonima, federalnim institucijama, sektorima i broju u protekle tri godine. Ona je, u ime Odbora za boračka i invalidska pitanja, rad, zdravstvenu i socijalni zaštitu, pokrenula inicijativu prema Kolegiju Doma naroda a odnosi se na hitno sazivanje sjednice Komisije za usaglašavanje različito usvojenih tekstova oba doma Parlamenta na čijem dnevnom redu je usaglašavanje teksta Zakona o izmjenama i dopunama Zakona o osnivanju Instituta za medicinsko vještačenje zdravstvenog stanja.

Adnan Jupić je pokrenuo dvije inicijative. Prva inicijativa se odnosi na donošenje zakona o izmjenama i dopunama Zakona o zdravstvenoj zaštiti a druga na donošenje zakona o izmjenama i dopunama Zakona o transplataciji organa i tkiva radi liječenja.

Mira Ljubijankić je, u ime Kluba delegata srpskog naroda, zatražila od federalnog ministra raseljenih osoba i izbjeglica da joj se dostavi izvještaj o trošenju sredstava u iznosu od 19.600.000,00 KM planiranih za 2013. godinu.

Esed Radeljaš je uputio inicijativu federalnom ministru prometa i komunikacija a koja se odnosi na asfaltiranje puta Grebak-Jabuka-Ustikolina.

Segmedina Bajramović-Srna je pokrenula inicijativu koja se odnosi na osnivanje dnevnih centara za djecu i osobe s poteškoćama. Inicijativu je uputila prema Federalnom ministarstvu rada i socijalne politike.

Zijat Mušić je pokrenuo inicijativu i postavio dva delegatska pitanja.

Inicijativu je pokrenuo prema Federalnom ministarstvu kulture i sporta da planira određena sredstva u Budžetu Federacije Bosne i Hercegovine za 2014. godinu kao konkretnu finansijsku pomoć fudbalskoj reprezentaciji Bosne i Hercegovine za odlazak na Svjetsko prvenstvo u Brazil 2014. godine. Također, predložio je Kolegiju Doma naroda i drugim institucijama u Bosni i Hercegovini da upute čestitku fudbalskoj reprezentaciji Bosne i Hercegovine na plasmanu na Svjetsko prvenstvo u fudbalu koje će se održati u Brazilu 2014. godine.

Prvo delegatsko pitanje je postavio Vladi Federacije i pitao šta je sa odobrenim sredstvima za kupovinu dva kanadera za gašenja požara, budući da nisu kupljeni u ovoj godini i da li će doći do realizacije ove nabavke u narednoj godini.

Drugo pitanje je postavio Federalnom ministarstvu za pitanja boraca i invalida odbrambeno-oslobodilačkog rata u vezi sa donošenjem registra branioca, tj. da li se radi na njegovom donošenju ili ne.

Branislav Crnogorac je postavio pitanje vezano uz redovno finansiranje sedam kulturnih institucija od značaja za Bosnu i Hercegovinu. Apelirao je na sve delegate i Vladu Federacije da konačno iznađu rješenje za finansiranje ovih institucija, prvenstveno Zemaljskog muzeja.

Drago Puzigaća je postavio pitanje Vladi Federacije Bosne i Hercegovine - kada će se realizirati sredstva predviđena amandmanima podnesenim prilikom usvajanja Budžeta Federacije za 2013. godinu, a odnose se na općine Drvar, Glamoč i Bosansko Grahovo.

Nakon delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajući Radoje Vidović je obavijestio delegate da je Vlada Federacije dostavila dopis kojim sa dnevnog reda današnje sjednice povlači Prijedlog Zakona o koncesijama u Federaciji Bosne i Hercegovine zbog uloženi amandmana na koje se Vlada Federacije još nije izjasnila, te se predlaže da se ova tačka stavi na dnevni red naredne sjednice kada će se Vlada Federacije izjasniti o amandmanima.

Također, na zahtjev predlagača Ibrahima Nadarevića, zastupnika u Predstavničkom domu, povučen je iz parlamentarne procedure Nacrt Zakona o dopuni Zakona o penzijskom i invalidskom osiguranju.

Predsjedavajući je podsjetio da je Josip Perić, delegat u Domu naroda, dostavio Prijedlog Zakona o izmjeni Zakona o Vladi Federacije Bosne i Hercegovine da se razmatra po hitnom postupku.

Na osnovu rezultata glasanja, predsjedavajući je konstatovao da Dom naroda, sa 19 glasova za, uz 22 uzdržana glasa i uz dva glasa protiv, nije prihvatio prijedlog da se Prijedlog Zakona o izmjeni Zakona o Vladi Federacije Bosne i Hercegovine razmatra po hitnom postupku.

Predsjedavajući je obavijestio delegate da je Vlada Federacije dostavila Prijedlog Zakona o izmjenama Zakona o izmirenju obaveza Federacije Bosne i Hercegovine prema Federalnom zavodu za penzijsko i invalidsko osiguranje sa prijedlogom da se razmatraju po skraćenom postupku.

Sa 32 glasova za, uz osam uzdržanih glasova i uz tri glasa protiv, Dom naroda Parlamenta Federacije BiH prihvatio je da se Prijedlog Zakona o izmjenama Zakona o izmirenju obaveza Federacije Bosne i Hercegovine prema Federalnom zavodu za penzijsko i invalidsko osiguranje razmatra po skraćenom postupku.

Također, predsjedavajući je iznio prijedlog Kolegija da Dom naroda razmatra Nacrt Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine u formi prijedloga Zakona po hitnom postupku, budući da ga je i Predstavnički dom razmatrao u formi prijedloga po hitnom postupku.

Ante Krajina, federalni ministar finansija, delegatima je pojasnio razloge zašto bi se ovaj zakon trebao razmatrati u formi prijedloga Zakona po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 33 glasa za, uz sedam uzdržanih glasova i uz jedan glas protiv, prihvatio da se Nacrt Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine razmatra u formi prijedloga Zakona po hitnom postupku.

Kolegij Doma naroda je predložio da se Prijedlog Strategije razvoja naučno-istraživačkog i istraživačko-razvojnog rada u Federaciji Bosne i Hercegovine za period 2012.-2022. godina razmatra u formi nacрта, budući da je ovaj dokument i Predstavnički dom razmatrao u formi nacрта.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz četiri uzdržana glasa, prihvatio da se Prijedlog Strategije razvoja naučno-istraživačkog i istraživačko-razvojnog rada u Federaciji Bosne i Hercegovine za period 2012.-2022. godina razmatra u formi nacрта.

Klub delegata bošnjačkog naroda u Domu naroda je u pisanoj formi dostavio Prijedlog Deklaracije o podržavanju zahtjeva roditelja djece iz Republike Srpske s prijedlogom da se uvrsti na dnevni red današnje sjednice.

Amir Zukić, predsjednik Kluba delegata bošnjačkog naroda, obrazložio je ovaj prijedlog.

U vezi s ovim prijedlogom Slaviša Mihajlović je zatražio od predsjednice Kluba delegata srpskog naroda da zatraži pauzu kako bi se dogovorili o izjašnjenju.

Luka Faletar, predsjednik Kluba delegata hrvatskog naroda, je, u ime Kluba, izjavio da podržava ovu deklaraciju, uz dodavanje tačke 3. koja glasi: "Pozivaju se nadležne institucije na svim nivoima vlasti u Bosni i Hercegovini da omoguće neometano pravo na obrazovanje na njihovom maternem jeziku za svu djecu u skladu sa ustavom."

Predsjedavajući je dao pauzu od 15 minuta.

Nakon pauze, predsjedavajući je pozvao predsjednicu Kluba delegata srpskog naroda da iznese njihov stav.

Mira Ljubijankić je izjavila da je stav Kluba da Kolegij Doma naroda sačini jednu univerzalnu deklaraciju u smislu zaštite sve djece u Bosni i Hercegovini.

Nakon ovog stava otvorila se rasprava u kojoj su učestvovali Amir Zukić, Radoje Vidović i Mira Ljubijankić.

Predsjedavajući je, u ime Kolegija Doma naroda, dao pauzu 20 minuta.

Nakon pauze, predsjedavajući je pitao da li ima prijedloga za izmjenu i dopunu dnevnog reda.

Vesna Nemic-Klisura je predložila da se u dnevni red 18. sjednice Doma naroda uvrsti Prijedlog Odluke o prihvatanju zaduženja na osnovu sporazuma o finansijskoj saradnji između Vijeća ministara Bosne i Hercegovine i Vlade Republike Austrije za finansiranje Projekta nabavke, instalacije, obuke i održavanja medicinske opreme usluga u Kantonalnoj bolnici Goražde i obrazložila taj prijedlog.

U raspravi o ovom prijedlogu su učestvovali: predsjedavajući Doma naroda Radoje Vidović, federalni ministar finansija Ante Krajina, Vesna Nemic-Klisura, Mustafa Kurtović, Damir Čardžić i Esed Radeljaš.

Potom je predsjedavajući stavio na glasanje prijedlog da se Prijedlog Odluke o prihvatanju zaduženja na osnovu sporazuma o finansijskoj saradnji između Vijeća ministara Bosne i Hercegovine i Vlade Republike Austrije za finansiranje Projekta nabavke instalacije obuke održavanja medicinske opreme usluga u Kantonalnoj bolnici Goražde uvrsti u dnevni red 18. sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine prihvatio da se kao pretposljednja tačka 18. sjednice Doma naroda razmatra Prijedlog Odluke o prihvatanju zaduženja na osnovu sporazuma o finansijskoj saradnji između Vijeća ministara Bosne i Hercegovine i Vlade Republike Austrije za finansiranje Projekta nabavke instalacije obuke održavanja medicinske opreme usluga u Kantonalnoj bolnici Goražde.

Nakon toga, sekretar Doma naroda Izmir Hadžiavdić je pročitao tekst Deklaracije o podršci zahtjevima za obrazovanjem djece na maternjem jeziku i pravo na nacionalnu grupu predmeta.

Predsjedavajući pozvao delegate Doma naroda da se izjasne o prijedlogu Kolegija Doma naroda da se kao 1. tačka dnevnog reda 18. sjednice razmatra Prijedlog Deklaracije o podršci zahtjevima za obrazovanjem djece na maternjem jeziku i pravo na nacionalnu grupu predmeta.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije Bosne i Hercegovine, sa 39 glasova za, uz šest uzdržanih glasova i uz jedan glas protiv, prihvatio da se kao 1. tačka dnevnog reda 18. sjednice Doma naroda razmatra Prijedlog Deklaracije o podršci zahtjevima za obrazovanjem djece na maternjem jeziku i pravo na nacionalnu grupu predmeta.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za, uz tri uzdržana glasa i uz četiri glasa protiv, usvojio sljedeći:

DNEVNI RED

1. Prijedlog Deklaracije o podršci zahtjevima za obrazovanjem djece na maternjem jeziku i pravu na nacionalnu grupu predmeta (predlagač: Kolegij Doma naroda Parlamenta Federacije Bosne i Hercegovine),
2. Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine - hitni postupak,
3. Prijedlog Zakona o izmjenama Zakona o izmirenju obaveza Federacije Bosne i Hercegovine prema Federalnom zavodu za penzijsko i invalidsko osiguranje - skraćeni postupak,
4. Prijedlog Zakona o izmjenama i dopunama Zakona o mikrokreditnim organizacijama,
5. Prijedlog Zakona o zaštiti jemaca u Federaciji Bosne i Hercegovine (predlagač: Aida Čikić, zastupnica u Predstavničkom domu Parlamenta Federacije Bosne i Hercegovine),
6. Nacrt Zakona o izmjeni Zakona o Vladi Federacije Bosne i Hercegovine (predlagač: Josip Perić, delegat u Domu naroda Parlamenta Federacije Bosne i Hercegovine),
7. Nacrt Zakona o nasljeđivanju,
8. Nacrt Zakona o izmjenama i dopunama Zakona o plaćama i naknadama policijskih službenika Federacije Bosne i Hercegovine,
9. Nacrt Zakona o izmjenama i dopunama Zakona o principima lokalne samouprave u Federaciji Bosne i Hercegovine,
10. Nacrt Zakona o zaštiti prijavitelja korupcije,

11. Nacrt Zakona o energetskej efikasnosti u Federaciji Bosne i Hercegovine,
12. Prijedlog Odluke o prihvatanju zaduženja po Sporazumu o finansiranju između Razvojne banke Vijeća Evrope (u daljnjem tekstu: CEB) i Bosne i Hercegovine za realizaciju Projekta jačanja zdravstvenog sektora (Health Sector Enhancement Project - HSEP) - dodatno finansiranje,
 - Supsidijarni ugovor između Bosne i Hercegovine i Federacije Bosne i Hercegovine (Projekt razvoja sektora zdravstva – faza dva),
 - Okvirni sporazum o kreditu između Bosne i Hercegovine i Razvojne banke Vijeća Evrope,
 - Informacija o kreditu razvojne banke Vijeća Evrope za sufinansiranje projekta jačanja zdravstvenog sektora (*health sector enhancement project – hsep*) – dodatno finansiranje,
13. Prijedlog Odluke o davanju prethodne saglasnosti za kreditno zaduženje JP Elektroprivreda BiH d.d. Sarajevo kod Evropske banke za obnovu i razvoj (EBRD) za realizaciju Projekta izgradnje HE Vranduk i Projekta rehabilitacije i proširenja kapaciteta HE Una Kostela,
14. Nacrt Strategije razvoja naučno-istraživačkog i istraživačko-razvojnog rada u Federaciji Bosne i Hercegovine za period 2012.-2022. godina,
15. Izvještaj Parlamentarne komisije odgovorne za reviziju o revizijskom izvještaju budžeta Federacije Bosne i Hercegovine i revidiranih korisnika Budžeta Federacije Bosne i Hercegovine za 2011. godinu,
16. Analiza mreže sudova u Federaciji Bosne i Hercegovine,
17. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2011. godinu,
18. Izvještaj Visokog sudskog i tužilačkog vijeća Bosne i Hercegovine za 2011. godinu,
19. Izvještaj o radu Fonda za profesionalnu rehabilitaciju i zapošljavanje osoba s invaliditetom Federacije BiH za 2012. godinu i Izvještaj o realizaciji Finansijskog plana za 2012. godinu,
20. a) Izvještaj o izvršenju Programa rada Upravnog odbora Zavoda zdravstvenog osiguranja i reosiguranja Federacije Bosne i Hercegovine za 2012. godinu,
 - b) Izvještaj o radu Stručne službe Zavoda zdravstvenog osiguranja i reosiguranja Federacije Bosne i Hercegovine za 2012. godinu,
 - c) Program rada Upravnog odbora Zavoda zdravstvenog osiguranja i reosiguranja Federacije Bosne i Hercegovine za 2013. godinu,
 - d) Program djelatnosti Zavoda zdravstvenog osiguranja i reosiguranja Federacije Bosne i Hercegovine i Smjernice za funkcioniranje Stručne službe za 2013. godinu,
 - e) Godišnji izvještaj za 2012. godinu (računovodstveni izvještaj sa analizom),

- f) Izvještaj o izvršenju Finansijskog plana Zavoda zdravstvenog osiguranja i reosiguranja Federacije Bosne i Hercegovine za period januar – decembar 2012. godine (konsolidovan),
- g) Izvještaj o izvršenju Finansijskog plana Federalnog fonda solidarnosti za period januar – decembar 2012. godine,
- h) Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije Bosne i Hercegovine za period januar – decembar 2012. godine,
- 21. Izvještaj o radu FERK-a za 2012. godinu,
- 22. Dokument okvirnog Budžeta 2014.- 2016. godina,
- 23. Prijedlog Odluke o prihvatanju zaduženja na osnovu Sporazuma o finansijskoj saradnji između Vijeća ministara Bosne i Hercegovine i Vlade Republike Austrije za finansiranje Projekta nabavke, instalacije, obuke i održavanja medicinske opreme i usluga u Kantonalnoj bolnici Goražde,
- 24. Izbori i imenovanja.

1. **Prijedlog Deklaracije o podršci zahtjevima za obrazovanjem djece na maternjem jeziku i pravu na nacionalnu grupu predmeta** (predlagač: Kolegij Doma naroda Parlamenta Federacije Bosne i Hercegovine)

Predsjedavajući je podsjetio delegate da je Klub delegata bošnjačkog naroda predložio Deklaraciju na osnovu koje je Kolegij Doma naroda predložio ovu deklaraciju.

Amir Zukić, predsjednik Kluba delegata bošnjačkog naroda, obrazložio je razloge za donošenje ove deklaracije.

U raspravi su učestvovali: Elvira Abdić-Jelenović, Zoran Jovanović, Amir Zukić, Damir Čardžić, Josip Perić, Predrag Kojović, Jasenko Tufekčić, Slaviša Mihajlović, Dževad Rađo, Mladen Lonić, Aner Žuljević, Hanka Vajzović, predsjednica Kluba delegata srpskog naroda Mira Ljubijankić, Ivo Divković i Ivo Tadić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za i uz jedan uzdržani glas, donio **Deklaraciju o podršci zahtjevima za obrazovanjem djece na maternjem jeziku i pravu na nacionalnu grupu predmeta** kako sljede:

Imajući u vidu da je u članu II 3. Ustava Bosne i Hercegovine propisano da sva lica unutar teritorije Bosne i Hercegovine uživaju ljudska prava i slobode među kojima je i pravo na obrazovanje;

Naglašavajući da je u članu II 4. Ustava Bosne i Hercegovine svim licima osigurano uživanje prava i sloboda predviđenih u ovom članu ili u međunarodnim sporazumima navedenim u Aneksu na Ustav Bosne i Hercegovine i da su sva lica u Bosni i Hercegovini slobodna od diskriminacije po bilo kojem osnovu kao što je spol, rasa, boja, jezik, vjera,

političko i drugo mišljenje, nacionalno i društveno porijeklo povezano sa nacionalnom manjinom, vlasništvo, rođenje ili drugi status;

Ukazujući na činjenicu da je u članu II 6. Ustava Bosne i Hercegovine propisano da će Bosna i Hercegovina i svi sudovi, agencije, vladini organi i instrumenti kojima entiteti upravljaju ili unutar entiteta primijeniti i pridržavati se ljudskih prava i fundamentalnih sloboda predviđenih u članu II Ustava Bosne i Hercegovine;

Podsjećajući da je članom 2. Protokola I. uz Evropsku konvenciju o zaštiti ljudskih prava i osnovnih sloboda propisano kako niko ne može biti lišen prava na obrazovanje i da u vršenju svih svojih funkcija u oblasti obrazovanja i nastave država poštuje pravo roditelja da osiguraju takvo obrazovanje i nastavu koji su u skladu sa njihovim vlastitim vjerskim i filozofskim uvjerenjima;

Naglašavajući da je članom 35. Okvirnog zakona o osnovnom i srednjem obrazovanju u Bosni i Hercegovini propisano da škola ne smije vršiti diskriminaciju u pristupu djece obrazovanju ili njihovom učenju u obrazovnom procesu na osnovu rase, boje, spola, jezika, religije, političkog ili drugog mišljenja, nacionalnog ili socijalnog porijekla, na osnovu toga što su djeca sa posebnim potrebama, ili na bilo kojoj drugoj osnovi;

Uvjereni da je primarni interes škole da promovira i razvija stalno i dinamično partnerstvo škole, roditelja i sredine u kojoj žive u svim pitanjima od značaja za ostvarivanje funkcije škole i interesa i potreba učenika;

Odlučni u namjeri da osiguramo punu nacionalnu ravnopravnost i najviše standarde ljudskih prava i osnovnih sloboda na cijeloj teritoriji Bosne i Hercegovine;

Dom naroda Parlamenta Federacije Bosne i Hercegovine je na osnovu člana 138. stav 2. i člana 140. Poslovnika o radu Doma naroda Parlamenta Federacije Bosne i Hercegovine na sjednici, održanoj 24.10.2013. godine, donio

DEKLARACIJU O PODRŠCI ZAHTJEVIMA ZA OBRAZOVANJEM DJECE NA MATERNJEM JEZIKU I PRAVU NA NACIONALNU GRUPU PREDMETA

1. Podržavaju se zahtjevi roditelja djece iz Republike Srpske kojim se traži od nadležnih institucija Republike Srpske da se djeci omogući izučavanje nacionalne grupe predmeta te da se adekvatno riješi nacionalni sastav Školskog odbora u Konjević Polju.
2. Pozivaju se nadležne institucije na svim nivoima vlasti u Bosni i Hercegovini, prvenstveno Ministarstvo prosvjete i kulture Republike Srpske da u skladu sa Ustavom Bosne i Hercegovine i ustavima entiteta i kantona riješe problem, kako djece iz Konjević Polja, tako i djece u cijeloj Bosni i Hercegovini.

3. Pozivaju se nadležne institucije na svim nivoima vlasti u Bosni i Hercegovini da omoguće neometano pravo na obrazovanje na njihovom maternjem jeziku za svu djecu u skladu sa ustavom.
4. Poziva se Visoki predstavnik za Bosnu i Hercegovinu da u skladu sa svojim mandatom utiče na ostvarivanje prava na obrazovanje i vraćanje djece u školske klupe.
5. Ova deklaracija objavit će se u "Službenim novinama Federacije BiH".

Budući da su delegati Ivo Divković i Aner Žuljević u toku rasprave predložili zaključke, predsjedavajući ih je stavio na glasanje i konstatovao da je Dom naroda Parlamenta Federacije Bosne i Hercegovine, sa 33 glasa za, uz tri uzdržana glasa i uz tri glasa protiv, usvojio sljedeći Zaključak koji je predložio delegat Ivo Divković:

Z A K L J U Č A K

Zadužuje se Kolegij Doma naroda da za sjednicu Doma naroda pripremi izjašnjenje o Inicijativi delegata Ive Divkovića kojom je predloženo formiranje komisije Doma naroda koja će ispitati stanje u obrazovanju i provjeriti kršenje prava djece na obrazovanje u svim kantonima u Federaciji Bosne i Hercegovine.

Sa 36 glasova za, uz tri uzdržana glasa i uz tri glasa protiv, predsjedavajući je konstatovao da je Dom naroda Parlamenta Federacije Bosne i Hercegovine usvojio sljedeći Zaključak koji je predložio delegat Aner Žuljević:

Z A K L J U Č A K

Zadužuje se Kolegij Doma naroda da za sjednicu Doma naroda pripremi izjašnjenje o Inicijativi delegata Anera Žuljevića kojom je predloženo da se Kolegij Doma naroda sastane sa ministrom prosvjete i kulture Republike Srpske, te mu predstavi ovu deklaraciju.

2. Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine - hitni postupak

Prijedlog Zakona je utvrdila Vlada Federacije.

Predstavnički dom je na 22. sjednici, odžanoj 11.09.2013. godine odlučio da ovaj zakon koji je dostavljen u formi nacрта Zakona razmatra u formi prijedloga po hitnom postupku i usvoji ga u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Ante Krajina, federalni ministar finansija.

U raspravi su učestvovali: Elvira Abdić-Jelenović, Segmedina Srna-Bajramović, Aner Žuljević i ministar Ante Krajina.

Sa 40 glasova za, uz tri uzdržana glasa i uz jedan glas protiv, predsjedavajući je konstatovao da je Dom naroda Parlamenta Federacije BiH, usvojio Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine.

3. Prijedlog Zakona o izmjenama Zakona o izmirenju obaveza Federacije Bosne i Hercegovine prema Federalnom zavodu za penzijsko i invalidsko osiguranje - skraćeni postupak

Prijedlog Zakona je utvrdila Vlada Federacije.

Predstavnički dom je na 22. sjednici, održanoj 11.09.2013. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Zehra Novo-Omanović, predstavnica Federalnog ministarstva rada i socijalne politike.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova za, uz dva uzdržana glasa i uz jedan glas protiv, usvojio Prijedlog Zakona o izmjenama Zakona o izmirenju obaveza Federacije Bosne i Hercegovine prema Federalnom zavodu za penzijsko i invalidsko osiguranje.

4. Prijedlog Zakona o izmjenama i dopunama Zakona o mikrokreditnim organizacijama

Prijedlog Zakona utvrdila je Vlada Federacije.

Predstavnički dom je na nastavku 22. sjednice, održane 02.07.2013. godine usvojio Prijedlog Zakona sa amandmanom koji Vlada Federacije nije prihvatila, ali ga je Predstavnički dom izglasao.

Amandman glasi:

Stav 2. u članu 18. se mijenja i glasi:

„Pod doniranim sredstvima podrazmijevaju se sredstva donirana inicijalnim ugovorom o donaciji, a prvenstveno su namijenjena za kreditni fond mikrokreditnih fondacija. Radi njihove zaštite Agencija će propisati postupanje i upotrebu doniranih sredstava.“

Stav 4. u članu 18. se mijenja i glasi:

„Nakon izmirenja obaveza mikrokreditne fondacije nad kojom se provodi likvidacijski postupak i nakon povratka sredstava koja su kao osnivački ulog unijeta u mikrokreditnu fondaciju, ostatak imovine koja je nastala iz poslovanja mikrokreditne fondacije (višak prihoda nad rashodima) i donirana sredstva iz stava 1. ovog člana raspoređuju se na druge mikrokreditne fondacije odlukom likvidatora, uz prethodnu saglasnost Agencije.“

Na Prijedlog Zakona sedam amandmana je podnio Amir Zukić, delegat u Domu naroda.

Predsjedavajući je podsjetio delegate da je Dom naroda Parlamenta Federacije Bosne i Hercegovine na 16. sjednici od 25.07.2013. godine odložio izjašnjenje o Prijedlogu Zakona dok se Vlada Federacije ne izjasni o ovim amandmanima.

Vlada Federacije je dostavila izjašnjenje kojim djelimično prihvata Amandman V. i Amandman VII. dok amandmane I., II., III., IV. i VI. ne prihvata.

U raspravi je učestvovao Sretko Radišić.

Budući da Amir Zukić nije odustao od svojih amandmana, predsjedavajući ih je stavio na glasanje i konstatovao:

- Dom naroda Parlamenta Federacije Bosne i Hercegovine nije usvojio Amandman I. koji se odnosi na član 3. Prijedloga Zakona jer je za glasalo 10 delegata, 13 delegata je bilo uzdržano, a 16 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman II. koji se odnosi na član 16. Prijedloga Zakona jer je za glasalo devet delegata, 12 delegata je bilo uzdržano, a 17 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman III. koji se odnosi na član 9. Prijedloga Zakona jer je za glasalo 10 delegata, 13 delegata je bilo uzdržano, a 15 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman IV. koji se odnosi na član 10. Prijedloga Zakona jer je za glasalo devet delegata, 12 delegata je bilo uzdržano, a 17 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman V. koji se odnosi na član 18. Prijedloga zakona jer je za glasalo 15 delegata, 15 delegata je bilo uzdržano, a 16 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman VI. koji se odnosi na član 11. Prijedloga zakona jer je za glasalo 13 delegata, 12 delegata je bilo uzdržano, a 18 delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman VII. koji se odnosi na član 12. Prijedloga

zakona jer je za glasalo 12 delegata, 13 delegata je bilo uzdržano, a 16 delegata je bilo protiv.

Potom se glasalo o amandmanu koji Vlada Federacije nije prihvatila, ali ga je Predstavnički dom izglasao.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio amandman Predstavničkog doma jer je za glasalo 19 delegata, 16 delegata je bilo uzdržano, a osam delegata je bilo protiv.

Nakon toga se glasalo o Prijedlogu Zakona.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog Zakona o izmjenama i dopunama Zakona o mikrokreditnim organizacijama, jer je za glasalo 28 delegata, pet delegata je bilo uzdržano, a devet delegata je bilo protiv.

Budući da je Vesna Nemeć-Klisura, koju su podržala dva delegata, izrazila sumnju u rezultate glasanja, pristupilo se poimeničnom glasanju koje je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog Zakona o izmjenama i dopunama Zakona o mikrokreditnim organizacijama jer je za glasalo 29 delegata, 14 delegata je bilo uzdržano, a pet delegata je bilo protiv.

5. Prijedlog Zakona o zaštiti jemaca u Federaciji Bosne i Hercegovine (predlagač: Aida Čikić, zastupnica u Predstavničkom domu Parlamenta Federacije Bosne i Hercegovine)

Predstavnički dom je na 14. vanrednoj sjednici, odžanoj 26.02.2013. godine usvojio Prijedlog Zakona u tekstu kako ga je predložio predlagač.

Dom naroda je na nastavku 16. sjednice, održane 25.07.2013. godine, razmatrao Prijedlog Zakona i usvojio Zaključak kojim je zadužen predlagač da izvrši usaglašavanje ovog prijedloga Zakona sa Vladom Federacije i drugim institucijama u skladu sa primjedbama datim na sjednici Doma naroda.

U skladu sa ovim zaključkom predlagač je dostavio 36 amandmana.

Vlada Federacije je dostavila izjašnjenje kojim je prihvatila amandmane I., II., III., IV., V., VI., VII., VIII., IX., X., XI., XII., XIII., XIV., XV., XVI., XVIII., XIX., XX., XXI., XXII., XXIII., XXIV., XXV., XXVI., XXVII., XXVIII., XXIX., XXX., XXXI., XXXII., XXXIII., XXXIV. i XXXVI., dok amandman XVII. nije prihvatila, a ni amandman XXXV. na koji je podnijela amandman.

Amandmani predlagača Prijedloga Zakona glase:

Amandman I.

Naziv Zakona mijenja se i glasi:

"Zakon o zaštiti jemca u Federaciji Bosne i Hercegovine."

Amandman II.

Član 1. Zakona mijenja se i glasi:

"Ovim zakonom uređuju se uvjeti i načini ostvarivanja prava jemca u Federaciji Bosne i Hercegovine."

Amandman III.

Član 2. Zakona mijenja se i glasi:

"Cilj Zakona je osigurati zaštitu prava jemca na finansijskom tržištu Federacije Bosne i Hercegovine."

Amandman IV.

Član 3. Zakona mijenja se i glasi:

"Primjena odredaba ovog zakona ne utiče na prava koja jemac ima na osnovu drugih propisa.

Ako ovim zakonom nije drugačije određeno, na obligacijsko-pravne odnose između jemca i povjerioca primjenjivat će se odredbe Zakona o obligacijskim odnosima Federacije Bosne i Hercegovine."

Amandman V.

U članu 5. stav 4. mijenja se i glasi:

"Ukoliko jedna osoba nije saglasna da se dobijeni podaci i dokumentacija za procjenu njene kreditne sposobnosti saopšte drugim osobama, povjerioc je dužan sa tom činjenicom upoznati druge osobe."

U članu 5. u stavu 6. riječ "značajnijeg" se briše.

Amandman VI.

Između čl. 5. i 6. Zakona uvodi se novo poglavlje "**3. KREDITNI DOSJE**".

Amandman VII.

U članu 6. tačka 2. mijenja se i glasi:

"izvod iz registra pravnih subjekata podnosioca zahtjeva, ukoliko je riječ o pravnom licu".

U članu 6. tačka 5. mijenja se i glasi:

"posljednji finansijski izvještaj, uključujući bilans stanja, bilans uspjeha, izvještaj o novčanim tokovima itd., potpisani od odgovorne osobe, ukoliko je riječ o pravnom licu".

U članu 6. tačka 3. se briše.

Amandman VIII.

Između čl. 6. i 7. ispred poglavlja **UGOVOR O KREDITU** piše se broj 4.

Amandman IX.

U članu 7. stav 1. mijenja se i glasi:

"Ugovor o kreditu (u daljnjem tekstu: ugovor) je jedinstven i sadrži sva međusobna prava i obaveze glavnog dužnika, povjerioca i jemca."

U članu 7. stav 2. mijenja se i glasi:

"Ugovor se sačinjava obavezno u pisanoj formi."

U članu 7. ispred stava 3. broj (1) se briše, a u istom stavu tačka 11) mijenja se i glasi: "upozorenje o posljedicama u slučaju neizmirenja obaveza, uvjeta, postupak i posljedice otkaza, odnosno raskida ugovora o kreditu/mikrokreditu u skladu sa Zakonom o obligacijskim odnosima, kao i obavijest o uvjetima i načinu ustupanja potraživanja u slučaju neizmirenja obveza".

Amandman X.

Između čl. 7. i 8. uvodi se novo poglavlje "5. PRAVA JEMCA".

Amandman XI.

U članu 8. stav 1. mijenja se i glasi:

„Jemac ima pravo odustati od zaključenog ugovora u roku sedam dana od dana zaključenja ugovora, bez navođenja razloga za odustanak.“

Amandman XII.

U članu 9. u stavu 1. posljednje dvije riječi se brišu i zamjenjuju riječima: „poslovnih prostorija povjerioca“.

Amandman XIII.

U članu 10. stav 1. mijenja se i glasi:

„U smislu ovog zakona jemac ima:

1. pravo na potpuno i istinito informiranje“.

Amandman XIV.

U članu 12. stav 2. se briše.

Amandman XV.

U članu 13. u stavu 2. riječi: „kreditne dokumentacije“ zamjenjuju se riječima: „kreditnog dosjea“.

U članu 13. dodaje se novi stav 3. koji glasi:

„Agencija za bankarstvo Federacije Bosne i Hercegovine (u daljnjem tekstu: Agencija za bankarstvo FBiH) propisat će uvjete za procjenu i dokumentiranje kreditne sposobnosti glavnog dužnika i jemca.“

Amandman XVI.

U članu 17. stav 2. mijenja se i glasi:

„Ugovorom se precizira odredba prema kojoj glavni dužnik ne može pokloniti, prodati ili na treću osobu prepisati svoju imovinu koja je u visini odobrenog kredita sa kamatama i troškovima za vrijeme trajanja ugovora.“

Amandman XVIII.

U članu 17. stav 4. mijenja se i glasi:

„U slučaju kršenja odredbe iz stava 2. ovog člana od glavnog dužnika povjerioci ne može tražiti ispunjenje dospjele obaveze od jemca sve dok ne zatraži od suda da se imovina glavnog dužnika vrati u prvobitno stanje, odnosno da se izmiri iz zaostavštine na ostavinskom postupku ili obaveze duga preuzmu nasljednici u skladu sa ostvarenim nasljednim pravima.“

Amandman XIX.

U članu 21. iza riječi: „obavijestiti jemca“ piše se tačka, a ostatak teksta se briše.

Amandman XX.

U članu 22. na kraju teksta briše se tačka i dodaje tekst: „Bosne i Hercegovine“.

Amandman XXI.

Nakon člana 23. uvodi se novo poglavlje: „**6. OSTVARIVANJE PRAVA JEMCA**“, a tekst između čl. 23. i 24. se briše.

Amandman XXII.

Član 28. mijenja se i glasi:

„Udruženje za zaštitu jemaca u Bosni i Hercegovini se ovlašćuje da pokreće postupak pred nadležnim sudom radi ostvarivanja naknade štete u slučajevima postupanja povjerioca ili glavnog dužnika suprotno odredbama ovog zakona.“

Amandman XXIII.

U članu 29. stav 1. mijenja se i glasi:

„Ne dopušta se nijedan oblik jemstva koji nije u skladu sa odredbama ovog zakona.“

Amandman XXIV.

U članu 29. u stavu 2. riječi: “ukidaju se” zamjenjuju se riječima: “ne dopuštaju se”.

Amandman XXV.

U članu 29. st. 3. i 4. se brišu.

Amandman XXVI.

U članu 29. u stavu 5. riječi: “ukida se” zamjenjuju se riječima: “ne dopušta se”.

Amandman XXVII.

U članu 29. u stavu 6. riječi: “ukida se” zamjenjuju se riječima: “ne dopušta se”.

Amandman XXVIII.

Između čl. 29. i 30. ovog zakona uvodi se novo poglavlje: „**7. OSLOBAĐANJE JEMCA ZBOG NEMARA I ODUGOVLAČENJA POVJERIOCA I PREVARENOG POSTUPANJA GLAVNOG DUŽNIKA I POVJERIOCA**“ a tačka 4. i tekst nakon nje se briše.

Član 30. mijenja se i glasi:

„Član 30.

I. Jemac se oslobađa obaveze ako:

1. povjerioc na njegov poziv poslije dospelosti potraživanja nije iscrpio sva sredstva osiguranja predviđena ugovorom radi namirenja svog potraživanja od glavnog dužnika;
2. nije dobio ugovor od povjerioca odmah po njegovom potpisivanju;
3. ustanovi da je kredit odobren kreditno nesposobnom klijentu, što je prouzrokovalo obmanu jemca;
4. nije prisustvovao činu potpisivanja ugovora;
5. kredit je odobren na osnovu falsifikovane dokumentacije glavnog dužnika ili jemca. U tom slučaju jemac može podnijeti kaznenu prijavu za krivično djelo prevare;
6. utvrdi da se radi o nepismenoj osobi, a na ugovoru nije jasan otisak prsta, odnosno rukoznak jemca ovjeren od dva svjedoka ili suda, odnosno drugog organa;
7. kredit dodijeljen suprotno pozitivnim pravnim propisima u Federaciji BiH;
8. doveden u zabludu usljed prevarnog postupanja, te zbog postojanja mana volje;
9. nije pokrenut postupak prinudne naplate prema glavnom dužniku, a stekli su se uvjeti za njega.

II. Obaveza jemstva prestaje iz razloga navedenih u stavu 1. ovog člana rješenjem Agencije ili presudom nadležnog suda.“

Amandman XXIX.

Glava 5. **ZASTARA** i član 32. brišu se kao i rimski broj **III. NADZOR**, a umjesto tog teksta uvodi se novo poglavlje: „**8. NADZOR NAD PRIMJENOM OVOG ZAKONA**“.

Amandman XXX.

Član 33. mijenja se i glasi:

„Agencija za bankarstvo Federacije BiH vršit će nadzor nad povjericem u skladu sa ovim zakonom i zakonima kojima se uređuje rad davaoca kredita/mikrokredita.“

Amandman XXXI.

Ispred člana 34. briše se rimski broj IV. i zamjenjuje glavnim brojem 9. **KAZNE NE ODREDBE.**

Član 35. mijenja se i glasi:

„Za povrede ovog zakona čije sankcionisanje nije definirano prethodnim članom shodno će se primjenjivati odredbe Zakona o zaštiti potrošača, Krivičnog zakona i Zakona o obligacijskim odnosima.“

Amandman XXXII.

Ispred poglavlja FINANSIJSKA SREDSTVA redni broj V. zamjenjuje se glavnim brojem 10, a ispred poglavlja PRIJELAZNE I ZAVRŠNE ODREDBE redni broj VI. zamjenjuje se glavnim brojem 11.

Amandman XXXIII.

Član 37. mijenja se i glasi:

„Agencija za bankarstvo Federacije BiH će u roku tri mjeseca od dana stupanja na snagu ovog zakona donijeti podzakonske akte predviđene ovim zakonom.“

Amandman XXXIV.

Član 38. mijenja se i glasi:

"Povjerioci su dužni svoje opće akte uskladiti sa odredbama ovog zakona najkasnije u roku tri mjeseca od dana stupanja na snagu akata iz člana 37. Zakona."

Amandman XXXVI.

U članu 40. riječi: "i primjenu" se brišu.

Aida Čikić je izjavila da je prilikom izrade ovih amandmana sarađivala sa Federalnim ministarstvom finansija.

Federalni ministar finansija je izjavio da je Vlada Federacije prihvatila 34 amandmana, dok Amandman XVII. nije prihvatila jer se njime ponavlja tekst koji već postoji u tekstu Zakona. Amandman XXXV. nije prihvaćen i podnesen je amandman za brisanje člana 39. kako bi se onemogućila retroaktivna primjena Zakona.

U raspravi su učestvovali Senahid Šaković, Jasenko Tufekčić i Aida Čikić, koja je izjavila da odustaje od Amandmana XVII., dok od Amandmana XXXV. ne odustaje.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za, uz tri uzdržana glasa i uz sedam glasova protiv, usvojio amandman Vlade Federacije na Amandman XXXV. predlagača Prijedloga Zakona.

Amandman glasi:

Član 39. se briše.

Potom se glasalo o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za, uz jedan uzdržani glas i uz tri glasa protiv, usvojio Prijedlog Zakona o zaštiti jemaca u Federaciji BiH.

Budući da je Prijedlog Zakona o zaštiti jemaca u Federaciji BiH usvojen u različitom tekstu u oba doma Parlamenta Federacije BiH **potrebno** ga je **usaglasiti**.

Budući da je delegat Dževad Rađo predložio da se tačka 13. Prijedlog odluke o davanju prethodne saglasnosti za kreditno zaduženje JP Elektroprivreda BiH d.d. Sarajevo kod Evropske banke za obnovu i razvoj (EBRD) za realizaciju Projekta izgradnje HE Vranduk i Projekta rehabilitacije i proširenja kapaciteta HE Una Kostela razmatra kao tačka 6. na današnjoj sjednici jer u Bosnu i Hercegovinu 30. oktobra 2013. godine dolazi delegacija Evropske banke za obnovu i razvoj, pa je potrebno donijeti ovu odluku kako bi se olakšalo pregovaračkom timu Bosne i Hercegovine u razgovorima o daljim koracima u vezi s ovim kreditom, predsjedavajući je stavio ovaj prijedlog na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz četiri uzdržana glasa i uz dva glasa protiv, usvojio prijedlog Dževada Rađe.

6. Prijedlog Odluke o davanju prethodne saglasnosti za kreditno zaduženje JP Elektroprivreda BiH d.d. Sarajevo kod Evropske banke za obnovu i razvoj (EBRD) za realizaciju Projekta izgradnje HE Vranduk i Projekta rehabilitacije i proširenja kapaciteta HE Una Kostela

Prijedlog Odluke je utvrdila Vlada Federacije.

Predstavnički dom je na nastavku 22. sjednice, odžane 24.09.2013. godine, donio Odluku o davanju prethodne saglasnosti za kreditno zaduženje JP Elektroprivreda BiH d.d. Sarajevo kod Evropske banke za obnovu i razvoj (EBRD) za realizaciju Projekta izgradnje HE Vranduk i Projekta rehabilitacije i proširenja kapaciteta HE Una Kostela.

Odluku su razmatrala nadležna radna tijela i dostavila izvještaje.

Prijedlog Odluke obrazložila je Amira Pintul, predstavnica Federalnog ministarstva energije, rudarstva i industrije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 35 glasova za, uz dva uzdržana glasa i uz četiri glasa protiv, donio Odluku o davanju prethodne saglasnosti

za kreditno zaduženje JP Elektroprivreda BiH d.d. Sarajevo kod Evropske banke za obnovu i razvoj (EBRD) za realizaciju Projekta izgradnje HE Vranduk i Projekta rehabilitacije i proširenja kapaciteta HE Una Kostela.

Sjednica je prekinuta u 16.50.

NASTAVAK SJEDNICE OD 14.11.2013. GODINE

Sjednica je počela u 10.30.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, predstavnike Vlade Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasmin Smailbegović, Mirjana Malić, Mira Ljubijankić, Mladen Lonić, Hajrudin Bećirović, Ekrem Prošić i Mukadesa Anadolac.

Na osnovu evidencije Stručne službe, predsjedavajući je konstatovao da sjednici prisustvuje 37 delegata, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Visoko sudsko i tužilačko vijeće Bosne i Hercegovine dostavilo obavijest da predstavnik Vijeća neće prisustvovati sjednici zbog ranije preuzetih obaveza, te se ova tačka skida sa dnevnog reda sjednice.

Predsjedavajući je potom podsjetio delegate da je Vlada Federacije dostavila Domu naroda Parlamenta Federacije Prijedlog za davanje autentičnog tumačenja člana 5. Zakona o Komisiji za vrijednosne papire („Službene novine Federacije BiH“, br. 39/98, 36/99 i 33/04) pa je potrebno da se Dom naroda izjasni o ovom prijedlogu zbog važnosti ove problematike. Budući da je Predstavnički dom donio autentično tumačenje člana 5. Zakona o Komisiji za vrijednosne papire („Službene novine Federacije BiH“, br. 39/98, 36/99 i 33/04), koje je utvrdila Zakonodavno-pravna komisija Predstavničkog doma, Kolegij Doma naroda predlaže da se nakon završetka 18. sjednice održi vanredna sjednica na kojoj bi se razmatrao ovaj prijedlog.

Nakon toga je predsjedavajući podsjetio delegate o preostalim tačkama dnevnog reda i prešao na rad.

7. Nacrt Zakona o izmjeni Zakona o Vladi Federacije BiH

Predlagač Zakona je Josip Perić, delegat u Domu naroda Parlamenta Federacije BiH.

Predsjedavajući je podsjetio delegate da je predlagač dostavio Zakon u formi prijedloga, a da je Dom naroda u prethodnom postupku odlučio da ga razmatra u formi nacrtu.

Vlada Federacije je dostavila mišljenje o ovom zakonu.

Zakon su razmatrala nadležna radna tijela i dostavila izvještaje.

Nacrt Zakona obrazložio je Josip Perić.

U raspravi su učestvovali: Ivo Tadić, Predrag Kojović, Jasenko Tufekčić, Aner Žuljević, Amir Zukić, predsjednik Kluba delegata bošnjačkog naroda, Luka Faletar, zamjenik predsjednika Kluba delegata hrvatskog naroda, Mirko Batinić, Tomislav Martinović, Radoje Vidović, Damir Čardžić, Sretko Radišić, Zijat Mušić, Predrag Kojović, Huso Obradović, Karolina Pavlović, Hanka Vajzović i Josip Perić.

Na osnovu rezultata glasanje, predsjedavajući je konstatovao da je Dom naroda Parlamenta Federacije BiH, sa 30 glasova za, uz 13 uzdržanih glasova i uz dva glasa protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjeni Zakona o Vladi Federacije BiH i smatra da može poslužiti kao osnov za izradu prijedloga Zakona.
2. Zadužuje se predlagač da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici Doma naroda.

8. Nacrt Zakona o nasljeđivanju

Nacrt Zakona je utvrdila Vlada Federacije.

Predstavnički dom je na nastavku 15 sjednice od 23.5.2012. godine razmatrao Nacrt Zakona i Zaključkom ga prihvatio. Tom prilikom Zakon je stavljen na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona obrazložio je Hidajet Halilović, pomoćnik federalnog ministra pravde.

U raspravi su učestvovali Sretko Radišić i Hidajet Halilović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasova za, uz četiri uzdržana glasa i uz dva glasa protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o nasljeđivanju i smatra da može poslužiti kao osnov za izradu prijedloga Zakona.

2. Zadužuje se predlagač da organizira i provede javnu raspravu u trajanju 90 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene na sjednici u javnoj raspravi.

9. Nacrt Zakona o izmjenama i dopunama Zakona o plaćama i naknadama policijskih službenika Federacije BiH

Nacrt Zakona o izmjenama i dopunama Zakona o plaćama i naknadama policijskih službenika Federacije BiH utvrdila je Vlada Federacije.

Predstavnički dom je na 22. Sjednici, održanoj 11.9.2013. godine, razmatrao Nacrt Zakona i zaključkom ga prihvatio.

Nacrt Zakona o izmjenama i dopunama Zakona o plaćama i naknadama policijskih službenika Federacije BiH obrazložio je Predrag Kurteš, federalni ministar unutrašnjih poslova.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 31 glasom za, uz 11 uzdržanih glasova i uz dva glasa protiv, usvojio sljedeći:

Z A K L J U Č A K

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o plaćama i naknadama policijskih službenika Federacije BiH i smatra da može poslužiti kao osnov za izradu prijedloga zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.

10. Nacrt Zakona o izmjenama i dopunama Zakona o principima lokalne samouprave u Federaciji BiH

Nacrt Zakona o izmjenama i dopunama Zakona o principima lokalne samouprave u Federaciji BiH utvrdila je Vlada Federacije.

Predstavnički dom je na nastavku 22. sjednice, održane 24.9.2013. godine, razmatrao Nacrt Zakona i zaključkom ga prihvatio. Tom prilikom ovaj zakon je stavljen na javnu raspravu.

Nacrt Zakona o izmjenama i dopunama Zakona o principima lokalne samouprave u Federaciji BiH obrazložio je Enver Išerić, direktor Zavoda za javnu upravu Federacije BiH pri Federalnom ministarstvu pravde.

U raspravi su učestvovali Elvira Abdić-Jelenović i Aner Žuljević.

Na osnovu rezultata glasanja, predsjedavajući je konstatovao da Dom naroda Parlamenta Federacije nije prihvatio Nacrt Zakona o izmjenama i dopunama Zakona o principima lokalne samouprave u Federaciji BiH jer je za glasalo 29 delegata, 11 delegata je bilo uzdržano a dva delegata su bila protiv.

11. Nacrt Zakona o zaštiti prijavitelja korupcije

Nacrt Zakona utvrdila je Vlada Federacije.

Predstavnički dom je na nastavku 22. sjednice, održane 24.9.2013. godine razmatrao Nacrt Zakona i zaključkom ga prihvatio. Tom prilikom Zakon je stavljen na javnu raspravu.

Nacrt Zakona o zaštiti prijavitelja korupcije obrazložio je Hidajet Halilović, pomoćnik federalnog ministra pravde.

U raspravi su učestvovali: Predrag Kojović, Elvira Abdić-Jelenović, Branislav Crnogorac, Aner Žuljević, Damir Čardžić, Josip Perić i Hidajet Halilović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za i uz devet uzdržanih glasova, usvojio sljedeći:

Z A K L J U Č A K

1. Dom naroda Parlamenta Federacije BiH prihvata Nacrt Zakona o zaštiti prijavitelja korupcije i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 30 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

12. Nacrt Zakona o energetskej efikasnosti u Federaciji BiH

Nacrt Zakona o energetskej efikasnosti u Federaciji BiH utvrdila je Vlada Federacije.

Predstavnički dom je na nastavku 22. sjednice, održane 24.9.2013. godine, razmatrao Nacrt Zakona i zaključkom ga prihvatio. Tom prilikom Zakon je stavljen na javnu raspravu.

Nacrt Zakona o energetskej efikasnosti u Federaciji BiH obrazložila je Amira Pintul, pomoćnica federalnog ministra energije, rudarstva i industrije.

U raspravi je učestvovao Sretko Radišić.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za, uz dva uzdržana glasa i uz jedan glas protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o energetskej efikasnosti u Federaciji BiH i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

- 13. - Prijedlog Odluke o prihvatanju zaduženja po Sporazumu o finansiranju između Razvojne banke Vijeća Evrope (u daljnjem tekstu: CEB) i Bosne i Hercegovine za realizaciju Projekta jačanja zdravstvenog sektora (Health Sector Enhancement Project - HSEP) - dodatno finansiranje**
- Supsidijarni ugovor između Bosne i Hercegovine i Federacije BiH (Projekt razvoja sektora zdravstva – faza dva)
 - Okvirni sporazum o kreditu između Bosne i Hercegovine i Razvojne banke Vijeća Evrope
 - Informacija o kreditu razvojne banke Vijeća Evrope za sufinansiranje Projekta jačanja zdravstvenog sektora (Health Sector Enhancement Project – HSEP) – dodatno finansiranje

Ovu odluku utvrdila je Vlada Federacije i dostavila parlamentu Federacije radi razmatranja i donošenja.

Predstavnički dom je na nastavku 22. sjednice, održane 24.9.2013. godine, donio Odluku o prihvatanju zaduženja po Sporazumu o finansiranju između Razvojne banke Vijeća Evrope i Bosne i Hercegovine za realizaciju Projekta jačanja zdravstvenog sektora.

Odluku su obrazložili: Vildana Doder, pomoćnica federalnog ministra zdravstva i Ante Krajina, federalni ministar finansija.

U raspravi su učestvovali: Predrag Kojović, Ante Krajina, Almedin Aliefendić, Luka Faletar i Vildana Doder.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 36 glasova za, uz tri uzdržana glasa i uz dva glasa protiv, donio Odluku o prihvatanju zaduženja po Sporazumu o finansiranju između Razvojne banke Vijeća Evrope (u daljnjem tekstu: CEB) i Bosne i Hercegovine za realizaciju Projekta jačanja zdravstvenog sektora (Health Sector Enhancement Project - HSEP) - dodatno finansiranje.

14. Nacrt Strategije razvoja naučno-istraživačkog i istraživačko-razvojnog rada u Federaciji BiH za period 2012.-2022. Godina

Budući da sjednici nije prisustvovao predstavnik predlagača ova tačka je skinuta sa dnevnog reda.

15. Izvještaj Parlamentarne komisije odgovorne za reviziju o revizijskom izvještaju budžeta Federacije BiH i revidiranih korisnika Budžeta Federacije BiH za 2011. godinu

Parlamentarna komisija odgovorna za reviziju razmatrala je Izvještaj Ureda za reviziju o revizijskom izvještaju budžeta Federacije BiH i revidiranih korisnika Budžeta Federacije BiH za 2011. godinu i dostavila izvještaj.

Predstavnički dom je na nastavku 21. sjednice, održane 10.9.2013. godine, prihvatio Izvještaj Parlamentarne komisije odgovorne za reviziju o revizijskom izvještaju budžeta Federacije BiH i revidiranih korisnika Budžeta Federacije BiH za 2011. godinu.

Izvještaj je obrazložio Aner Žuljević, član Parlamentarne komisije odgovorne za reviziju.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 34 glasa za, uz tri uzdržana glasa i uz dva glasa protiv, prihvatio Izvještaj Parlamentarne komisije odgovorne za reviziju o revizijskom izvještaju budžeta Federacije BiH i revidiranih korisnika Budžeta Federacije BiH za 2011. godinu.

16. Analiza mreže sudova u Federaciji BiH

Prijedlog Analize Parlamentu Federacije BiH je dostavilo Visoko sudsko i tužilačko vijeće Bosne i Hercegovine.

Predstavnički dom je na nastavku 15. sjednice, održane 30.5.2012. godine, prihvatio Analizu mreže sudova u Federaciji BiH sa Zaključkom.

Prijedlog Analize razmatrala su nadležna radna tijela i dostavila izvještaje.

Prijedlog Analize mreže sudova u Federaciji BiH obrazložio je Rusmir Šabeta, predstavnik Visokog sudskog i tužilačkog vijeća Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH prihvatio Analizu mreže sudova u Federaciji BiH, jer je 30 delegata glasalo za, šest delegata je bilo uzdržano a dva delegata su bila protiv.

17. Godišnji izvještaj o rezultatima aktivnosti Institucije Ombudsmena za ljudska prava Bosne i Hercegovine za 2011. godinu

Institucija Ombudsmena za ljudska prava Bosne i Hercegovine dostavila je godišnji Izvještaj.

Predstavnički dom je na nastavku 15. sjednice, održane 30.5.2012. godine, Zaključkom prihvatio ovaj izvještaj.

Izvještaj je obrazložila Emina Halilović, pomoćnica ombudsmena za ljudska prava Bosne i Hercegovine.

Izvještaj su razmatrala nadležna radna tijela i dostavila izvještaje.

U raspravi su učestvovali Segmedina Srna-Bajramović i Emina Halilović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH prihvatio Izvještaj o rezultatima aktivnosti Institucije Ombudsmena za ljudska prava Bosne i Hercegovine za 2011. godinu, jer je 36 delegata glasalo za, a četiri delegata su bila uzdržana.

18. Izvještaj Visokog sudskog i tužilačkog vijeća Bosne i Hercegovine za 2011. godinu

Predsjedavajući je podsjetio delegate da je ova tačka skinuta sa dnevnog reda budući da sjednici nije prisustvovao predstavnik predlagača.

19. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2012. godinu i Izvještaj o realizaciji Finansijskog plana za 2012. godinu

Izvještaj je utvrdio Fond za profesionalnu rehabilitaciju i zapošljavanje osoba sa invaliditetom Federacije BiH.

Predstavnički dom Parlamenta Federacije BiH obavijestio je Dom naroda da je na nastavku 20. sjednice, održane 2.7.2012. godine, prihvatio ovaj izvještaj.

Izvještaj su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH prihvatio Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2012. godinu i Izvještaj o realizaciji Finansijskog plana za 2012. godinu, jer je 35 delegata glasalo za a pet delegata je bilo uzdržano.

20. a) Izvještaj o izvršenju Programa rada Upravnog odbora Zavoda zdravstvenog osiguranja i reosiguranja Federacije BiH za 2012. godinu

b) Izvještaj o radu Stručne službe Zavoda zdravstvenog osiguranja i reosiguranja Federacije BiH za 2012. godinu

c) Program rada Upravnog odbora Zavoda zdravstvenog osiguranja i reosiguranja Federacije BiH za 2013. godinu

d) Program djelatnosti Zavoda zdravstvenog osiguranja i reosiguranja Federacije BiH i Smjernice za funkcioniranje Stručne službe za 2013. godinu

e) Godišnji izvještaj za 2012. godinu (računovodstveni izvještaj sa analizom)

f) Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za period januar – decembar 2012. godine (konsolidovani)

g) Izvještaj o izvršenju Finansijskog plana Federalnog fonda solidarnosti za period januar – decembar 2012. godine

h) Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za period januar – decembar 2012. godine

Materijale je utvrdio Zavod zdravstvenog osiguranja i reosiguranja Federacije BiH.

Predstavnički dom Parlamenta Federacije BiH obavijestio je Dom naroda da je na nastavku 22. sjednice, održane 24.9.2012. godine prihvatio navedene izvještaje.

Izvještaj su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH prihvatio navedene materijale, jer je 36 delegata glasalo za, pet delegata je bilo uzdržano a jedan delegat je bio protiv.

20. Izvještaj o radu FERK-a za 2012. godinu

Izvještaj je utvrdio FERK i dostavio ga Parlamentu Federacije BiH radi prihvatanja.

Predstavnički dom Parlamenta Federacije BiH obavijestio je Dom naroda da je na nastavku 22. sjednice, održane 24.9.2013. godine, prihvatio izvještaj o radu FERK-a za 2012. godinu.

Izvještaj su razmatrala nadležna radna tijela i dostavila izvještaje.

Izvještaj je obrazložila Sanela Pokrajčić, član FERK-a.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za i uz tri uzdržana glasa, **prihvatio** Izvještaj o radu FERK-a za 2012. godinu.

22. Dokument okvirnog Budžeta Federacije BiH 2014.- 2016. godina

Vlada Federacije je utvrdila ovaj dokument.

Predstavnički dom Parlamenta Federacije BiH obavijestio je Dom naroda da je na nastavku 22. sjednice, održane 24.9.2013. godine, informiran o ovom dokumentu.

Dokument su razmatrala nadležna radna tijela i dostavila izvještaje.

Dokument je obrazložio Ante Krajina, federalni ministar finansija.

U raspravi su učestvovali: Senahid Šaković, Branislav Crnogorac, Sretko Radišić, Ante Krajina, federalni ministar finansija i Predrag Kojović.

Dom naroda Parlamenta Federacije BiH je primio k znanju Dokument okvirnog Budžeta Federacije BiH 2014.- 2016. godina.

23. Prijedlog Odluke o prihvatanju zaduženja na osnovu Sporazuma o finansijskoj saradnji između Vijeća ministara Bosne i Hercegovine i vlade Republike Austrije za finansiranje Projekta nabavke, instalacije, obuke i održavanja medicinske opreme i usluga u Kantonalnoj bolnici Goražde

Predsjedavajući je podsjetio delegate da je prilikom utvrđivanja dnevnog reda 18. sjednice ova tačka uvrštena, uz obavezu da Federalno ministarstvo finansija pripremi i dostavi Prijedlog Odluke.

Federalno ministarstvo finansija je dostavilo dopis u kojem obavještava Dom naroda da nije pokrenuta procedura za stvaranje obaveza iz kreditnog zaduženja u vezi sa ovim projektom.

Ante Krajina, federalni ministar finansija, izjavio je da Bosansko-podrinjski kanton ne ispunjava uvjete za dobijanje pozitivnog mišljenja u vezi sa zaduživanjem o ovom projektu.

U raspravi je učestvovala Vesna Nemeć-Klisura.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije donio odluku o prihvatanju zaduženja na osnovu Sporazuma o finansijskoj saradnji između Vijeća ministara Bosne i Hercegovine i vlade Republike Austrije za finansiranje Projekta nabavke, instalacije, obuke i održavanja medicinske opreme i usluga u Kantonalnoj bolnici Goražde, jer je 29 delegata glasalo za, 11 delegata je bilo uzdržano a dva delegata su bila protiv.

Budući da je izražena sumnja u rezultate glasanja, sekretar Doma naroda je obavio poimenično glasanje.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije BiH donio Odluku o prihvatanju zaduženja na osnovu Sporazuma o finansijskoj saradnji između Vijeća ministara Bosne i Hercegovine i vlade Republike Austrije za finansiranje Projekta nabavke, instalacije, obuke i održavanja medicinske opreme i usluga u Kantonalnoj bolnici Goražde, jer su 33 delegata glasala za, 11 delegata je bilo uzdržano a jedan delegat je bio protiv.

Sjednica je završena u 16.16.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Radoje Vidović